



Udruženje Fudbalski Klub SARAJEVO

Adresa: Maršala Tita 38b, 71000 Sarajevo, Bosna i Hercegovina Tel/fax: +387 (0)33 664-262, 442-333 E-mail: info@fksarajevo.ba Web: www.fksarajevo.ba
JIB: 4200676240008 PIB: 200676240008 PB: 01071919 Sud.reg.: BiH, F BiH, Kanton Sarajevo, Ministarstvo pravde 03-017-224
ŠAMPIONI JUGOSLAVIJE: 1966/67, 1984/85 ŠAMPIONI BIH: 1998/99, 2006/07, 2014/15 OSVAJAČI KUPA BIH: 1996/97, 1997/98, 2001/02, 2004/05, 2013/14
OSVAJAČI SUPERKUPA BIH: 1997/98

U skladu sa članom 33. Statuta Udruženja FK Sarajevo, Generalni direktor dana 30.10.2018. godine utvrđuje

KUĆNI RED

u objektu u kojem su smješteni polaznici Akademije FK Sarajevo

I. OPĆE ODREDBE

Član 1.

Ovaj Kućni red primjenjuje se u objektu u kojem su smješteni polaznici Akademije FK Sarajevo (u daljem tekstu: Kuća).

Član 2.

Kućnim redom u Kući utvrđuju se:

1. pravila i obaveze ponašanja u Kući: unutrašnjem, vanjskom i virtualnom prostoru,
2. pravila međusobnih odnosa Fudbalera,
3. pravila međusobnih odnosa Fudbalera i radnika (osoblje u Kući, treneri, team manageri i ostalo osoblje Akademije),,
4. pravila zaštite od socijalno neprihvatljivih oblika ponašanja, diskriminacije, neprijateljstva i nasilja,
5. načini postupanja prema imovini,
6. pravila sigurnosti, zaštite i spašavanja osoba i imovine,
7. pravila obavještanja, oglašavanja i rukovanja službenom poštom.

Član 3.

Ovaj Kućni red se odnosi na sve osobe za vrijeme njihova boravka i rada u unutrašnjem, vanjskom i virtualnom prostoru objekta u kojem su smješteni polaznici Akademije (u daljnjem tekstu: prostor Kuće), gdje se u određenom vremenu odvija smještajno-odgojno-obrazovni proces i aktivnosti prema programu rada Akademije.

Član 4.

Unutrašnji prostor obuhvata sve prostorije u Kući.



Vanjski prostor obuhvata označeni i ograđeni prostor dvorišta, vanjska igrališta i parkiralište. Vanjskim prostorom smatra se i igranje i nastupi na zvaničnim i prijateljskim utakmicama, mjesto izvođenja terenskog školskog rada, izleta i ekskurzije, izvanškolskog posjeta i aktivnosti Fudbalera i radnika, te humanitarne ili druge društvene akcije u javnosti u ime Kluba ili Akademije Kluba, uključujući i boravak u prijevoznom sredstvu. Virtualnim prostorom smatra se klupsko mrežno mjesto na adresi www.fksarajevo.ba, sva službena klupska mjesta na društvenim mrežama, te svako mrežno mjesto na kojem se Fudbaleri i radnici Akademije javljaju kao njeni službeni predstavnici.

Član 5.

Postupanje prema odredbama ovog Kućnog reda sastavni je dio radnih obveza radnika i Fudbalera Akademije.

Radnik koji postupi suprotno odredbama ovog Kućnog reda odgovoran je za težu povredu radne obveze.

Fudbaler koji postupi suprotno odredbama ovog Kućnog reda odgovoran je prema Disciplinskom pravilniku.

Roditelja, staratelja ili drugu osobu koja za vrijeme boravka u Kući krši Kućni red dežurni radnik, dežurni Fudbaler će upozoriti i po potrebi udaljiti iz prostora Kuće. Ako se osoba ne udalji iz prostora Kuće, dežurni ili bilo koji radnik i Fudbaler treba odmah pozvati pomoć iz najbliže policijske stanice.

Član 6.

S odredbama ovog Kućnog reda Šef Omladinskog pogona je dužan upoznati Fudbalere i njihove roditelje, odnosno staratelje kao i radnike.

Ovaj Kućni red objavljuje se na oglasnoj ploči u Kući i na mrežnom mjestu Kluba.

II. PRAVILA I OBVEZE PONAŠANJA U KUĆI: UNUTRAŠNJEM, VANJSKOM I VIRTUALNOM PROSTORU

Član 7.

Fudbaleri, radnici i ostalo osoblje Akademije borave u prostoru Kuće.

Roditelji i staratelji Fudbalera mogu boraviti u Kući u za to predviđenim terminima.

Član 8.

Fudbaler je dužan:

1. poštivati odredbe ovog Kućnog reda,
2. kulturno se ponašati za vrijeme boravka u prostoru Kuće i izvan njega,
3. uljudno i sa poštovanjem se odnositi prema drugim Fudbalerima i radnicima,
4. održavati čistim i urednim prostor Kuće,
5. voditi brigu o čuvanju svog inventara unutar Kuće,
6. dolaziti u Kuću uredan, čist i primjereno odjeven,
7. nakon dolaska u Kuću odjevne predmete i osobne stvari odložiti na mjesto određeno za tu namjenu,
8. tokom boravka u Kući krevet treba biti pospremljen i zategnut, lične stvari trebaju biti složene na mjestu predviđenom za smještaj odjevnih predmeta,
9. u Kuću donositi lične stvari, opremu, knjige i pribor potreban za rad, ali sve te stvari je neophodno da drži urednim i složenim,
10. savjesno, pravilno i pravodobno izvršavati sve obaveze i zaduženja po ovom Kućnom redu,

11. postupati po posebnim uputama i pravilima u slučaju izvanrednih događaja i aktivnosti u Kući.

Zabrane

Član 9.

U prostoru Kuće zabranjeno je:

1. pušenje,
2. nošenje oružja,
3. pisanje, šaranje i grebanje po zidovima i inventaru Kuće,
4. bacanje izvan kanti za otpatke papira, žvakaćih guma i sličnog otpada,
5. unošenje i konzumiranje alkohola i narkotičkih sredstava,
6. unošenje sredstava, opreme i uređaja koji mogu izazvati požar ili eksploziju,
7. igranje igara na sreću i kladionice,
8. bilo kakve igre koje nanose štetu inventaru u Kući,
9. neovlašteno fotografiranje ili bilo kakvo drugo snimanje života i rada u Kući,
10. namjerno oštećivanje i uništavanje zidova, namještaja, opreme i instalacija,
11. namjerno začepeljivanje odvoda i izazivanje poplava,
12. neovlašteno rukovanje rasvjetom, razglasom, te drugim uređajima i opremom,
13. samovoljno trčanje, skakanje, penjanje, klizanje, naguravanje, vikanje, pjevanje i drugo neprimjereno ponašanje što proizvodi buku ili bilo kako ugrožava sigurnost te ometa redovan rad,
14. naganjanje i penjanje po prozorima i ogradama,
15. vikanje s prozora ili izvana oko Kuće,
16. bacanje predmeta kroz prozor i preko ograde,
17. širenje lažnih vijesti i glasina,
18. lažno aktiviranje alarma.
19. učenici ne smiju bez odobrenja Šefa Omladinskog pogona dovesti u Kuću strane osobe,
20. zabranjeno je dovesti životinje u prostor Kuće,
21. fudbaleri su obavezni u periodu od 22,00 do 6,00 borave u kući, a napuštanje kuće u to vrijeme moguće je isključivo po odobrenju Šefa Omladinskog pogona.

III PRAVILA SIGURNOSTI, ZAŠTITE I SPAŠAVANJA OSOBA I IMOVINE

Član 10.

Radnici i osoblje Akademije u saradnji s učenicima dužni su se brinuti za siguran i zdrav boravak i rad u Kući.

Član 11.

U svim pitanjima zdravlja Fudbalera Klub saraduje sa zdravstvenim ustanovama i Medicinskim timom Kluba. U ostvarivanju brige za zdravstvenu zaštitu Fudbaleri su dužni:

1. pristupiti liječničkim i drugim pregledima koje za njih organizuje Klub,
2. podvrgnuti se vakcinaciji protiv zaraznih bolesti ili preventivnog sprječavanja bilo kakve bolesti ukoliko za to daju pristanak roditelj ili staratelj,
3. učestvovati u svim drugim mjerama kojima se štiti ili unapređuje zdravlje Fudbalera.

Član 12.

Fudbaler koji se ozlijedi u Kući, dužan je ozljedu odmah prijaviti radnicima.

IV OBAVJEŠTAVANJE, OGLAŠAVANJE I RUKOVANJE SLUŽBENOM POŠTOM

Član 13.

Obavijesti i upute Fudbalerima, radnicima i ostalom osoblju Akademije daju se putem oglasne ploče koja je smještena na odgovarajućem i vidljivom mjestu u Kući.
Navedene obavijesti i upute objavljuju i dostavljaju team manageri Akademije prema nalogu Šefa Omladinskog pogona.

Član 14.

Radnici, Fudbaleri i ostalo osoblje Akademije trebaju redovno pratiti obavijesti na oglasnoj ploči u Kući.

Član 15.

Dežurni radnik je obvezan što je prije moguće proslijediti poštu zaprimljenu u Kući radniku ili Fudbaleru ili drugom osoblju Akademije kojem je pošiljka namijenjena.

V OSTALO

Član 16.

Prijavu za kršenje po odredbama Kućnog reda može izvršiti svaki fudbaler, osoblje Akademije koje radi sa Fudbalerima koji borave u kući. Prijava se podnosi pismenim putem Šefu Omladinskog pogona.

Član 17.

Osobe za koje se utvrdi da ne poštuju odredbe ovog Kućnog reda biće adekvatno sankcionisane prema važećim propisima FK Sarajevo.

Član 18.

Ovaj Kućni red primjenjuje se počev od 02.11.2018. godine i ima se istaknuti na oglasnoj ploči u Kući.

Sarajevo, 30.10.2018. godine

Generalni direktor
Sabrina Buljubašić

